



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Secundus explicandi modus reprobatur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

bris de Anima: Ergo Deus non potest immediatè per seipsum , vices luminis gloriae supplere.

§. II.

Secundus explicandi modus reprobatur.

19. **D**ico secundo: Intellectum creatum non posse reddi intrinsecè potentem ad videndum Deum , per solam ejus assistentiam , aut concursum simultaneum ordinis supernaturalis : Sed ad hoc necessarium esse lumen gloriae , per modum habitus , vel auxilij communicatum.

Probatur primo ex D. Thoma 2. 2. quest. 175. art. 3. ad 2. ubi ait: *Essentia divina videri ab intellectu creato non potest, nisi per lumen gloriae, de quo dicitur Psal. 35. in lumine tuo videbimus lumen: quod tamen dupliciter participari potest. Uno modo per modum forme immensitatis, & sic beatos facit Santos in patria, alio modo per modum cuiusdam passionis transiuntis, & hoc modo lumen illud fuit in Paulo quando raptus fuit.* Unde cum visio beatifica quæ fuit in Paulo, non fuerit de potentia ordinaria, sed extraordinaria; & tamen in ordine ad illam ponat D. Thomas lumen gloriae tanquam omnino necessarium, manifestum est ex ejus doctrina, intellectum creatum, non elevatum lumine gloriae, per modum habitus vel auxilij communicato, non posse clare videre Deum.

20. Probatur secundò conclusio ratione quam idem S. Doctor 3. contra Gent. cap. 53. insinuat. Non potest fieri specialis assistentia & unio Dei cum creatura, nisi ratione aliquius virtutis, vel formæ in ipsa recepta: Ergo si in visione beatifica fiat specialis assistentia, & unio Dei cum intellectu creato, debet in eo recipi aliqua virtus, per quam eleveretur, & fiat intrinsecè potens ad videndum Deum, qua non potest esse alia quā lumen gloriae, per modum habitus, vel auxilij communicatum. Consequentia patet, Antecedens probatur primi ratione D. Thoma. Quando aliqua duo uniuntur, oportet quod hoc fiat per mutationem utriusque, vel alterius tantum: Sed non potest fieri hæc unio per mutationem ipsius Dei: Ergo fieri debet per mutationem creaturæ, quæ proinde ex vi hujus unionis, & specialis assistentiae, debet recipere de novo aliquam virtutem. Secundo, in sententia D. Thomæ, Deus non est in aliis nisi per operationem, ut ostendimus suprà, exponendo attributum divinæ immensitatis. Unde si Deus speciali modo uniat intellectui beato, & fiat illi præsens & assistens, debet in illo aliquid producere, & illum intrinsecè immutare, per impressionem aliquius virtutis, aut qualitatis supernaturalis, quæ non potest esse alia, quā lumen gloriae.

21. Probatur tertio conclusio ratione fundamentali. Vel ex speciali illa assistentia, & unione Dei cum intellectu creato, derivatur in ipsum aliquam virtutem intrinsecæ, vel nulla ei superadditur? Si primum dicatur, habemus intentum: nam talis virtus superaddita, debebit esse quedam participatione divinæ intellectualitatis, ac proinde lumen gloriae, per modum habitus, vel auxilij communicatum. Si vero secundum affirmetur, sequitur quod ex tali assistentia, & unione, intellectus creatus non possit fieri intrinsecè potens ad eliciendam visionem beatam; impossibile enim est, illud quod de se est impotens & improportionatum ad producendum aliquem effectum, vel eliciendam aliquam operationem, reddi potens, &

Tom. I.

A proportionatum ad illam attingendam, nisi intrinsecè mutetur, ac proinde nisi in se recipiat aliquam formam, aut virtutem intrinsecam, quam antea non habebat: causam enim esse potentem ad operandum, non est aliqua denominatio extrinseca, sed intrinseca, à virtute aliqua, & principio interno petita: Unde communiter dicitur, *Idem manens idem, semper facit idem.*

Confirmatur priuò: Nulla causa agere potest, nisi prius, saltem natura, habeat in se virtutem physicam & realem ad agendum; nam actus prius essentialiter presupponitur ad secundum: unde est illa celebri regula in Topicis, *Ab actu ad potentiam, optima est consequentia.* Quare si Deus velit aliquam creaturam operari, & producere aliquem effectum, requiritur indispensabiliter, quod ponat, vel supponat in ea virtutem ad illum producendum; alioquin talis causa non ageret, sed Deus ad ejus presentiam, talem effectum produceret: Ergo cum intellectus creatus, non habeat ex se virtutem, saltem proximam & immediatam, ad videndum Deum; nisi Deus eam illi communicet, & infundat lumen gloriae, per modum habitus, vel auxilij, ad visionem beatificam elevari non poterit.

Confirmatur secundò: Omnis causa efficiens, antequam producat aliquem effectum, vel elicat aliquam operationem, debet eam in se praecontinere, saltem virtualiter; alias non posset illum producere, & extra se emittere: Sed intellectus creatus non potest visionem beatificam, intrinsecè, & virtualiter praecontinere, nisi ratione aliquius virtutis supernaturalis in ea recepta, quæ non potest esse alia quam lumen gloriae: Ergo ad videndum Deum, necessario requiritur lumen gloriae.

Denique suadetur conclusio, & ostenditur, per concursum Dei simultaneum, intellectum creatum non posse constitui intrinsecè potentem ad videndum Deum. Implicat causam aliquam constitui potentem in actu primo, per aliquid selenens ex parte actu secundi: cum actus prius præcedat secundum, prioritate saltem naturæ: Sed concursus simultaneus se tenet ex parte actu secundi; est enim ipsa actio causæ secundæ, prout est à Deo simul operante cum illa: Ergo implicat quod intellectus creatus fiat intrinsecè potens ad videndum Deum, per solum concursum simultaneum, & sine impressione aliquius virtutis aut qualitatibus elevantis.

Confirmatur: Intellectus non potest elevari per id ad quod eget elevatione: Atqui egere elevatione ad illud quod se tenet ex parte actu secundi, & quod est idem cum ipsa visione: Ergo &c.

Confirmatur amplius: Cum concursus simultaneus non sit influxus in causam, sed in actionem vel effectum. eam intrinsecè non immutat: Ergo non reddit illam intrinsecè potentem. Consequentia patet: repugnat enim causam aliquam de impotente fieri intrinsecè potentem, ad eliciendam aliquam operationem ordinis altioris & supernaturalis, sine intrinseca ejus mutatione.

Dices primò cum recentioribus: Ex duabus trahentibus navim, quilibet scorsum sumpus est impotens, & improportionatus ad talen tractionem, & fit potens & proportionatus per solum concursum simultaneum alterius, absque intrinseca sui mutatione: Ergo idem dici potest de intellectu creato, respectu visionis beatifica.

Sed contra: Improportio causæ partialis pro-

T ij

22.

23.

24.

25.

26.

DISPUTATIO TERTIA

venit, ut sic loquar, ex excessu intensivo effetus; unde per multiplicationem virtutis, aut concursus ejusdem speciei, fit perfecta proportio: At vero improposito quae est inter intellectum & visionem beatam, non provenit ex excessu velut intensivo, sed ex eo quod visio beatificans operatio ordinis altioris, & divini: Ergo non potest reddi potens ad illam, per solum concursum simultaneum.

Hæc ratio illustrari & confirmari potest egregio discurso quem habet D. Thomas 3. contra Gent. cap. 33. ubi hæc scribit: *Nihil potest ad altiorum operationem elevari, nisi per hoc quod eius virtus fortificatur. Contingit autem duplicerat alius virtutem fortificari: uno modo per simplicem ipsius virtutis intensiōnem, sicut virtus activa calidi augetur per intensiōnem caloris, ut possit efficiere reverbentiorē actionem in eadem specie: alio modo per novā formā appositionem, sicut diaphanous virtus augetur ad hoc ut possit illuminare, per hoc quod sit lucidum actū per formam lucis receptam in ipso de novo; & hoc quidem virtutis augmentum requiritus ad alterius speciei operationem consequendam: virtus autem intellectus creaturalis, non sufficit ad divinam substantiam vindicandam: Ergo oportet quod augetur ei virtus, ad hoc quod ad talēm visionem perveniat: non sufficit autem augmentum per intensiōnem naturalem virtutis, quia talis visio non est eiusdem rationis cum visione naturali intellectus creati, quod ex distantiis visionum patet: Oportet igitur quod sit augmentum virtutis intellectivæ, per aliquius novarē dispositionis adēptionem. Quibus verbis S. Doctor, & nostram sententiam illustrat, & Adversariorum fundamentum evertit: docet enim quod potentia creata, non potest fieri potens & proportionata ad operationem altioris ordinis elicendam, nisi per novā formā appositionem: ex qua infert intellectum creatum, non posse elevari ad visionem beatificam, sine lumine gloria.*

27. Dices secundō cum Suarez: In singulis rebus creatis dari virtutem partiale & incompletam, ad attingendos actus supernaturales. Scilicet potentiam obedientiale proximè activam, ratione cuius possunt immediatè cooperari Deo, ad producendos actus supernaturales. Unde sicut homo qui habet virtutem partiale & incompletam ad trahendam navim, ut fiat completè potens, indiget solum consortio, & concursu simultaneo alterius: ita etiam intellectus creatus, ut fiat completè potens ad videndum Deum, non eget aliquā virtute, aut qualitate supernaturaliū elevante, sed tantum concursum simultaneo Dei, & speciali ejus assistentiā.

Verum hæc responsio & doctrina Suarezis, aperte repugnat Divo Thomæ 3. cont. Gent. cap. 70. dicenti. *Non sic idem effectus causa naturali & divinae virtuti tribuitur, quasi parvum à Deo & partim à naturali agente fiat; sed totus ab utroque secundum aliud modum: scilicet idem effectus totus attribuitur instrumento, & principali agenti etiam totus. Præterea ejus falsitas & absurditas constabit ex dicendis §. sequenti.*

§. III.

Requicitar hæc potentia obedientialis, & illam totum ordinem gratiae defruere, demonstratur.

28. Dico tertio: Potentia obedientialis proximè & immediate activa effectuū super-

A naturalium, & singulis rebus creatis à natura congenita, chimærica est, & totum ordinem gratia destruit.

Probatur primò ex D. Thoma in quæstionibus disputatis, quæst. unicâ de virtutibus in communione, art. 10. ad 2. ubi sic ait: *Respectu corum que facultatem naturæ non excedunt, habet homo à natura, non solum principia receptiva, sed etiam principia activa: respectu autem eorum que facultatem naturæ excedunt, habet homo à natura aptitudinem ad recipiendū: Atque aptitudo ad recipiendum, non est potentia activa, sed passiva: Ergo ex D. Thoma non datur in creaturis potentia obedientialis activa, respectu actuum supernaturalium, à natura indita, sed passiva tantum, & receptiva formarum supernaturalium, quibus mediantibus possint actus supernaturales elicere.*

B Item 1. 2. quæst. 109. art. 1. sic ait: *Vnaqueque forma indita rebus creatis à Deo, habet efficaciam respectu alicujus actus determinati, in quam potest secundum suam proprietatem, ultra autem non potest, nisi per aliquam formam superadditum: At hoc esset fallsum, si in rebus creatis daretur potentia obedientialis immediatè productiva actuum supernaturalium; nam homo ratione illius, sine superadditione alicujus novarē formæ supernaturalis, actus supernaturales posset elicere: Ergo &c.*

Præterea idem S. Doctor 3. parte quæst. 62. art. 4. quæst. 27. de verit. art. 4. & pluribus alijs in locis, docet in Sacramentis novarē legis residence virtutem intrinsecam ad producendam gratiam; quam virtutem dicit esse spiritualem, incompletam, fluentem, & transeuntem, ac reductivè pertinere ad prædicamentum qualitatis in quo ponitur gratia sanctificans: Si autem in Sacramentis novarē legis daretur potentia obedientialis gratia productiva, inutilis esset hæc virtus spiritualis transiens & fluens, ut constat; Unde Suarez, & alij qui talem potentiam admittunt, illam virtutem rejiciunt: Igitur manifestum est, Divum Thomam talentum potentiam obedientialem in rebus creatis non agnosceret.

E Probatur secundò conclusio, & demonstratur hanc potentiam obedientialem contradictionem involvere, simulque esse entitatè naturalem, & supernaturalem. In primis enim quod sit entitatè naturalis, evidens est: ut enim docent ejus defensores, illa est singulis rebus creatis à natura congenita. Quod etiam sit entitatè supernaturalis, probatur: quia cum omnis potentia specificetur ab actu ad quem ordinatur, & sit ejusdem ordinis cum illo; potentia immediate productiva actuum supernaturalium, non potest non esse supernaturalis.

Neque dici potest, illam esse entitatè naturalem, & supernaturalem formaliter & in ratione potentia: quod enim secundum suam entitatem non attingit ordinem supernaturalium, non potest illum attingere secundum suam activitatem; quia activitas seu potentia agendi, consequitur ad entitatem & substantiam rei, & est veluti proprietas ex illa resultans, ac proinde debet illi commensurari & proportionari, unde communiter dicunt Philosophi quod operari sequitur esse: Ergo si potentia obedientialis sit naturalis, quantum ad substantiam & entitatem, erit etiam naturalis, quantum ad activitatem, & in ratione potentia.

29.

30.